

03.07.2024 թ.

ք. Իջևան

Առցանց կազմակերպած նիստին մասնակցում էին գիտական խորհրդի նախագահ Ա. Մարգարյանը, քարտուղար Ա. Ալեքսանյանը, Գ. Հովհաննիսյանը, Գ. Միրոյանը, Թ. Վարդանյանը, Ա. Պոտոսյանը, Գ. Ավետիսյանը, Դ. Աֆյանը, Ա. Մուրադյանը, Ա. Մարիբեկյանը, Ա. Ուլիխանյանը, Պ. Ասլիբեկյանը, ֆակուլտետի ՈւԳ նախագահ Թ. Զանվելյանը, ֆակուլտետի ՈւԽ-ի նախագահ Ս. Վարդապետյանը, Զ. Հարությունյանը: Նիստի օրակարգը ներկայացրեց Ա. Մարգարյանը:

Օրակարգ

1. 2024թ. ավարտական աշխատանքների պաշտպանության արդյունքների ամփոփման մասին(զեկ. Գ. Հովհաննիսյան, Գ. Միրոյան):
2. Մասնագիտական ամբիոնների գործունեության վերաբերյալ ամբիոնի վարիչների տարեկան հաշվետվությունների մասին(զեկ. Գ. Հովհաննիսյան, Գ. Միրոյան):
3. ԿԾ պատասխանատուների հաշվետվությունների մասին(զեկ. Թ. Վարդանյան, Գ. Միրոյան):

1. Հսեցին.- 2024թ. ավարտական աշխատանքների պաշտպանության արդյունքների ամփոփման մասին(զեկ. Գ. Հովհաննիսյան, Գ. Միրոյան):

Գ. Հովհաննիսյանի գնահատմամբ ավարտական աշխատանքների պաշտպանության արդյունքները գոհացուցիչ են: Այս պատկերը արդյունք է բովանդակային նախապաշտպանությունների, որոնց ընթացքում բացահայտվել են աշխատանքներում առկա թերությունները, շտկվել են բացթողումները: Ավարտական աշխատանքները բնորոշվեցին որպես թիրախային, արդիական և կիրառական: Ուսանողները հավաքել, վերլուծել և համակարգել են ՀՀ մարզերի, հատկապես Տավուշի, զբոսաշրջային ռեսուրսների վերաբերյալ հարուստ տեղեկատվություն: Իրենց աշխատանքները իրականացրել են այդ փաստերի վերլուծության հիման վրա, կատարել են եզրահանգումներ ռեսուրսների օգտագործման առկա վիճակի և դրանց օգտագործման հեռանկարային գործընթացների վերաբերյալ: Նշվեց, որ թեև ուսանողները օգտագործել են բավարար չափով գրականություն, սակայն անհրաժեշտ է մեծացնել նորագույն հրատարակությունների տեսակարար կշիռը, որը զգալիորեն կբարելավի աշխատանքների որակը և արդիականացումը

Ավարտական աշխատանքների պաշտպանությունը ցույց տվեց, որ ուսանողները լիովին տիրապետում էին իրենց աշխատանքներին և կարողանում էին պատշաճ ներկայացնել: Ըստ ամփոփիչ ատեստավորման հանձնաժողովի նախագահի ավարտական աշխատանքներում գործնական, թիրախային առաջարկները թույլ էին: Առաջարկվեց լավագույն աշխատանքներից ձևավորել գիտական հոդվածներ: Խոսելով հեռակա բաժնում ավարտական աշխատանքների պաշտպանության մասին՝ նկատեց, որ ավարտական աշխատանքներում գերակշռում էր տեսական հատվածը:

Գ. Միրոյանի գնահատմամբ ավարտական աշխատանքների պաշտպանության արդյունքները հիմնականում գոհացուցիչ են, չնայած առկա համակարգով սովորող երեք ուսանող ստացել են անբավարար և մեկ ուսանող չի մասնակցել պաշտպանությանը: Ավարտական աշխատանքների պաշտպանության հաղորդությունները արդյունքն է բովանդակային նախապաշտպանության, որոնց ընթացքում բացահայտվել են աշխատանքներում առկա թերությունները, շտկվել են բացթողումները: Ավարտական աշխատանքների պաշտպանությունը ցույց տվեց, որ ուսանողները լիովին տիրապետում էին իրենց թեմային և կարողանում էին պատշաճ ներկայացնել:

Ըստ ամփոփիչ ատեստավորման հանձնաժողովի նախագահի առկա ուսուցմամբ շրջանավարտների ուսումնառության ընթացքում իրենց ձեռք բերած գիտելիքների մակարդակը լիովին համապատասխանում են ժամանակակից աշխատաշուկային պահանջներին: Խոսելով հեռակա բաժնում ավարտական աշխատանքների պաշտպանության մասին՝ Գ. Միրոյանը նկատեց, որ արդյունքներն որոշ չափով էին գոհացնող:

Ըստ ամփոփիչ ատեստավորման հանձնաժողովի նախագահի ավարտական աշխատանքների թեմաների ընտրության ժամանակ անհրաժեշտ է հաշվի առնել տվյալների հասանելիությունը: Ուսանողներն աշխատանքն ներկայացնելիս առավել ընդգծեն իրենց ինքնուրույն աշխատանքը, իսկ եզրակացություններն ու առաջարկությունները լինեն հասցեական:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.12 կետով Տնտեսագիտության ֆակուլտետի գիտական խորհուրդը որոշեց.

Որոշեցին.- Ֆակուլտետի մասնագիտությունների 2024- 2025 ուստարվա ավարտական կուրսերի ամփոփիչ ատեստավորման (ավարտական աշխատանքների պաշտպանության) արդյունքները ընդունել ի գիտություն:

2. Լսեցին.- Տուրիզմի կառավարման և մշակութաբանության ամբիոնի վարիչ Գ. Հովհաննիսյանին:

Գ. Հովհաննիսյանը հաղորդեց, որ 2023-2024 ուստարում «Տուրիզմի կառավարման և մշակութաբանության» ամբիոնի դասաժամերը բաշխվել են ամբիոնի դրույքով և ժամավճարային հիմունքներով աշխատող դասավանդողների միջև: Ամբիոնի 17 աշխատակիցներից 3-ը ունեն պրոֆեսորի, 3-ը՝ դոցենտի, 8-ը՝ ասիստենտի, 3-ը՝ դասախոսի կոչումներ:

Ամբիոնի վարիչը հաղորդեց, որ 2023-2024 ուստարվա ընթացքում ամբիոնում իրականացվել է ավարտական աշխատանքների բաշխում, ուսանողներին տրամադրվել են գիտական աշխատանքների բովանդակությունը, գրականության ցանկը, իրականացվել է խորհրդատվություն: Ուշադրության կենտրոնում է պահվել գիտական ղեկավարների հետ ուսանողների հանդիպումների գրաֆիկը: Ամբիոնի կողմից իրականացվել են ընթացիկ քննությունների, ընթացիկ ստուգումների և եզրափակիչ քննությունների անցկացման նախապատրաստական աշխատանքներ: Նախապես տրված հարցաշարերից կազմվել են քննական տոմսերը: Վերահսկողությունն իրականացվել է ինչպես ամբիոնի վարիչի, այնպես էլ Կրթական ծրագրերի պատասխանատուի կողմից: Իրականացվել են թեմատիկ պլանների կատարողականի վերաբերյալ ստուգումներ: Իրականացված ստուգումների արդյունքում թեմատիկ պլանները համապատասխանում էին կատարողականին: Ամբիոնի վարիչի կողմից իրականացվել են դասալսումներ, արդյունքների քննարկում. առաջադրված խնդիրներին տրվել են կոնկրետ լուծումներ: Հաշվետու տարում ԵՊՀ ԻՄ 30-ամյակի կապակցությամբ կազմակերպվել և իրականացվել է միջազգային կոնֆերանս:

Լսեցին.- Ընդհանուր տնտեսագիտության ամբիոնի վարիչ Գ. Միրոյանին:

Գ. Միրոյանը հաղորդեց, որ ամբիոնում դասաժամերը բաշխվել են դրույքով աշխատող 13 և ժամավճարային հիմունքներով հրամանագրված հինգ դասախոսների միջև: Ամբիոնի 18 աշխատակիցներից 1-ը ունի պրոֆեսորի, 4-ը դոցենտի, 6-ը ասիստենտի, 6-ը դասախոսի կոչումներ: Գ. Միրոյանը նշեց, որ «Ընդհանուր տնտեսագիտության» ամբիոնի աշխատանքները կազմակերպվել են համաձայն ամբիոնի հաստատված աշխատանքային պլանի: Ամբիոնի բոլոր դասախոսները աշխատել են հաստատված անհատական ուսումնական բեռնվածություններով, որոնք հիմնականում կատարել են ուսումնական գործընթացի տարբեր օղակների համար սահմանված ծրագրերի պահանջները: Կարդացվել են դասախոսություններ ուսումնական պլանով հաստատված ժամաքանակով, անց են կացվել սեմինար ու գործնական

պարապմունքներ, կազմակերպվել են ընթացիկ ստուգումներ և ամփոփիչ քննություններ: Կատարվել են դասալսումներ, որոնց արդյունքները ընդհանուր առմամբ դրական են, իսկ նկատված թերությունների վերաբերյալ առանձին քննարկումներ են եղել համապատասխան դասախոսների հետ: Ամբիոնն ունենցել է մի շարք ձեռքբերումներ, ինչպես նաև ցավոք կորուստներ:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.10 կետով Տնտեսագիտության ֆակուլտետի գիտական խորհուրդը որոշեց.

Որոշեցին.- Տնտեսագիտության ֆակուլտետի Ընդհանուր տնտեսագիտության և Տուրգմի կառավարման և մշակութաբանության ամբիոնների 2023-24 ուստարվա աշխատանքները գնահատել բավարար:

3. Լսեցին.- ԿԾ պատասխանատուների հաշվետվությունների մասին (գեկ. Թ. Վարդանյան, Գ. Միրոյան):

Լսեցին.- Զբոսաշրջություն ԿԾ ղեկավար ա.գ.դ., պրոֆեսոր Թ. Վարդանյանին

Թ. Վարդանյանը հաղորդեց հաշվետու ժամանակաշրջանում իրականացված «Զբոսաշրջություն» կրթական ծրագրի ղեկավարի աշխատանքային պլանով սահմանված գործողությունների հիմնական քայլերը, իրականացման վերջնաժամկետները, վերջնարդյունքները և կատարողականի ցուցիչները:

- Կազմակերպվել է կրթական գործընթացին վերաբերող հարցերի անհատական և խմբային խորհրդատվություն, որի ընթացքում առաջին կուրսի ուսանողներին ներկայացվել է բակալավրի կրթական ծրագրով ուսումնական գործընթացի կազմակերպման կարգը: Ներկայացվել և մեկնաբանվել է կրթական ծրագիրը, որի արդյունքում ուսանողները տեղեկացվել են կրթական ծրագրի նպատակներին, խնդիրներին ու վերջնարդյունքներին:
- Առանձնահատուկ ուշադրություն է դարձվել հետազոտական աշխատանքների պատրաստման կարգին՝ հատկապես այն կուրսերում, որտեղ ուսանողներն առաջին անգամ էին առնչվում հետազոտական աշխատանքի հետ:
- Ստուգվել են մատյանների գրանցումների թեմատիկ համապատասխանությունները կրթական ծրագրի, իսկ վերջինս՝ առարկայական պորտֆոլիոնների բովանդակության հետ: Հանգամանորեն ստուգվել են նաև ընթացիկ քննությունների և ստուգումների հարցաշարերի և առարկայական պորտֆոլիոններին համապատասխանության հարցը:
- Կազմվել և հաստատվել է «Զբոսաշրջություն» կրթական ծրագրի վերանայման աշխատանքային խումբ՝ համապատասխան աշխատանքային խմբի օրացուցային պլանով:
- Մշակվել են վերանայման խմբի գործողությունները և դրանց ժամկետները: Ծրագրում դասավանդող դասախոսները, ուսանողները և արտաքին շահակիցները ներկայցրել են իրենց առաջարկները կրթական ծրագրի վերաբերյալ: Վերանայվել են կրթական ծրագրի նպատակները, խնդիրները, վերջնարդյունքները:

Լսեցին.- Ֆինանսներ ըստ ոլորտի ԿԾ ղեկավար Գ. Միրոյանին:

Գ. Միրոյանը հաղորդեց հաշվետու ժամանակաշրջանում իրականացված «Ֆինանսներ (ըստ ոլորտի)» կրթական ղեկավարի աշխատանքային պլանով նախատեսված գործողությունների հիմնական քայլերը:

1. Կազմակերպվել է կրթական գործընթացին վերաբերող հարցերի անհատական և խմբային խորհրդատվություն, որի ընթացքում ուսանողներին ներկայացվել է բակալավրի կրթական ծրագրով ուսումնական գործընթացի կազմակերպման կարգը:

2. Առաջին կուրսեցիների ծանոթացումը կրթական ծրագրին՝ հուզող հարցերի շուրջ քննարկումների կազմակերպում և սպառիչ պատասխանների ստացում
3. Դասալսումների գրաֆիկների կազմում և իրականացում
4. Moodle հարթակում իրականացվող գործընթացներում դասախոսներին աջակցության տրամադրում
5. Հետազոտական աշխատանքների պատրաստման կարգի իրագրելում, անհրաժեշտության դեպքում խորհրդատվության տրամադրում
6. Կազմվել է «Ֆինանսներ (ըստ ոլորտի)» ԿԾ վերանայման խումբ, որն էլ իրականացրել ԿԾ բարելավման գործընթացը:

Ղեկավարվելով ԵՊՀ հիմնադրամի ԻՄ-ի Տնտեսագիտության ֆակուլտետի կանոնադրության 24.10 կետով Տնտեսագիտության ֆակուլտետի գիտական խորհուրդը որոշեց.

Որոշում.- Տնտեսագիտություն ֆակուլտետի Ֆինանսներ (ըստ ոլորտի) և Զբոսաշրջություն ԿԾ ղեկավարների հաշվետվություններն ընդունել ի գիտություն:

**Գիտական խորհրդի նախագահ՝
Քարտուղար՝**

**Ա. Մարգարյան
Ա. Ալեքսանյան**